



Broj: 01-14/21
Vareš, 14.01. 2021. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 22. i 95. Statuta Općine Vareš - Prečišćeni tekst, broj: 01-162/12 od 11. 09. 2012. godine, Općinsko vijeće Vareš, na Konstituirajućoj 1. sjednici održanoj 14.01. 2021. godine, d o n o s i

ODLUKU

o subvencioniranju mjesečne karte učenika vozara MSŠ „Nordbat-2“ Vareš sa područja općine Vareš

I – OPĆE ODREDBE

Član 1.

Ovom Odlukom se utvrđuje subvencioniranje mjesečne karte učenika vozara Mješovite srednje škole „Nordbat-2“ Vareš sa područja općine Vareš (u daljem tekstu: MSŠ).

Općina Vareš će subvencionirati 50% od ukupnog iznosa mjesečne karte za relaciju na kojoj učenik vozari, a na osnovu dostavljenih cijena od prijevoznika za svaku pojedinačnu relaciju.

Sredstva za subvencioniranje mjesečne karte će se planirati u Budžetu Općine Vareš za svaku kalendarsku/budžetsku godinu.

II – OSTVARIVANJE PRAVA I PROVOĐENJE POSTUPKA ZA SUBVENCIJU

Član 2.

Pravo na subvenciju mjesečne karte imaju svi učenici vozari MSŠ sa područja općine Vareš, čiji prihodi po članu domaćinstva ne prelaze 600, 00 KM i čiji članovi porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost registrovano kao privredno društvo.

Zahtjev za subvencioniranje mjesečne karte podnosi jedan od roditelja ili zakonski staratelj učenika vozara.

Član 3.

Uz zahtjev za subvencioniranje mjesečne karte prilaže se sljedeća dokumentacija:

- Kućna lista,
- Potvrda o redovnom statusu učenika izdata od MSS,
- Rodni list učenika, original ili ovjerena kopija,
- Potvrdu o mjestu prebivališta za učenika – CIPS,
- Broj tekućeg računa roditelja/staratelja – kopija bankovne kartice ili drugi dokaz,
- Ovjerena kopija akta o starateljstvu (u slučaju da učenik ima staratelja),
- Potvrda ili dokaz o prosječnim primanjima za posljednja tri mjeseca za svakog punoljetnog člana domaćinstva sa kućne liste, a za nezaposlene Uvjerenje Biroa za zapošljavanje, te kopiju zdravstvene knjižice za lica koja se ne vode na evidenciji Biroa.

Član 4.

Zahtjev za subvencioniranje mjesečne karte podnosi se Službi za opću upravu, društvene djelatnosti i boračko-invalidsku zaštitu Općine Vareš.

Zahtjev se podnosi u roku od 30 (trideset) dana od početka školske godine, a pravo na subvenciju se utvrđuje za školsku godinu.

Izuzetak od stava 2. ovog člana je školska 2020/2021. godina, za koju će se postupak provesti po stupanju na snagu ove Odluke, a pravo na subvenciju početi primjenjivati od mjeseca februara 2021. godine.

Član 5.

Roditelji/staratelji učenika vozara koji se u toku školske godine upisao u MSS, mogu nakon upisa, podnijeti zahtjev za subvenciju mjesečne karte u skladu sa članom 3. ove Odluke.

Član 6.

Općinski načelnik donosi rješenje o odobravanju ili odbijanju zahtjeva za subvenciju mjesečne karte.

Protiv rješenja Općinskog načelnika može se izjaviti žalba Drugostepenoj upravnoj komisiji u roku od 8 (osam) dana od dana prijema rješenja.

Član 7.

Rješenje iz člana 6. ove Odluke se dostavlja podnosiocu zahtjeva, Službi za privredu, finansije i trezor i Službi za opću upravu, društvene djelatnosti i boračko-invalidsku zaštitu Općine Vareš.

Služba za privredu, finansije i trezor će na osnovu rješenja izvršiti uplatu sredstava na tekući račun roditelja/staratelja učenika vozara do 10. dana tekućeg mjeseca za prethodni mjesec.

Član 8.

U slučaju nemogućnosti odvijanja redovnog nastavnog procesa u MSS i prelaska na online nastavu zbog eventualnog pogoršanja epidemiološke situacije izazvane korona virusom (COVID-19), neće se plaćati subvencija za period online nastave.

MSS je dužna blagovremeno obavijestiti Službu za privredu, finansije i trezor o obustavi redovnog nastavnog procesa i prelasku na online nastavu.

III– PRIJELAZNE I ZAVRŠNE ODREDBE

Član 9.

Po stupanju na snagu ove Odluke, Služba za opću upravu, društvene djelatnosti i boračko-invalidsku zaštitu Općine Vareš će putem MSS, lokalne radio stanice, mjesnih zajednica, službene internet stranice i oglasnih ploča obavijestiti roditelje/staratelje učenika vozara o mogućnosti ostvarivanja prava za subvenciju mjesečne karte.

Roditelji/staratelji učenika vozara koji je ostvario pravo na subvenciju, dužni su pisanim putem u roku od 8 (osam) dana od dana nastale statusne promjene učenika obavijestiti Službu za opću upravu, društvene djelatnosti i boračko-invalidsku zaštitu Općine Vareš.

Za pitanja koja nisu utvrđena ovom Odlukom primjenjivat će se odredbe Zakona o upravnom postupku („Službene novine FBiH“, broj: 2/98 i 48/99).

Član 10.

Danom stupanja na snagu ove Odluke, prestaje da važi Odluka, broj: 01-302/13 od 29.10. 2013. i Odluka, broj: 01-303/13 od 29.10. 2013. godine.

Član 11.

Ova Odluka stupa na snagu osmog dana od dana objavljivanja na oglasnoj ploči Općine Vareš, a primjenjivat će se od 01.02. 2021. godine.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka objavljena na oglasnoj ploči Općine Vareš dana 15.01. 2021. godine.

OPĆINSKI NAČELNIK

Zdravko Marošević

O b r a z l o ž e n j e
Odluke o subvencioniranju mjesečne karte učenika vozara MSŠ „Nordbat-2“ Vareš
sa područja općine Vareš

1. Pravni osnov

Pravni osnov za donošenje ove odluke sadržan je u članu 13. Zakona o principima lokalne samouprave FBiH („Službene novine FBiH“, broj: 49/06 i 51/09), članu 22. i 95. Statuta Općine Vareš - Prečišćeni tekst, broj: 01-162/12 od 11. 09. 2012. godine.

2. Razlog za donošenje

Ova Odluka je pripremljena kako bi se roditeljima/starateljima učenika vozara u određenoj mjeri olakšalo finansiranje školskih obaveza kroz subvencioniranje mjesečne karte.

3. Finansijska sredstva

Za sprovođenje ove Odluke planirana su finansijska sredstva u Budžetu Općine Vareš za 2021. godinu, ekonomski kod: 614243 – Transfer za prijevoz učenika.

PREDLAGAČ:
OPĆINSKI NAČELNIK

Zdravko Marošević